

Galeni.

L I.

Biliosos & acres humores, pituitamq; falsam à capite purgant, eiusq; destillationes fistunt, tussientibus proflunt, & asperitates faucium leniunt, suntq; omnium præstantissima, & ob id in usum quotidianum reuocanda. Accipiunt aloes, scammoniae, añ vnc. dimidiā. Colocynthidis, agarici, añ drach. duas. Bdelliū, gummi arabici, añ drach. vnā. Cum succo absinthij fingat massa. Alijs ita componit. Pulpæ colocynthidis, drach. vnā. Aloes, scammoniae, añ drach. duas. Mastiches, drach. dimidiā. Cum succo absinthij formetur massa.

CATAPOTIA GENITALE SEMEN AVGENTIA.

Incertia autoris.

L II.

Habent seminis erucae, testiculorum vulpis, seminis vrticæ, satureiæ, caudarum scincii, pudendī tauri, añ vnc. dimidiā. Cum cerebello passerum fingantur catapotia.

DE SACCHARIS, ET CONDITIS.

SECTIO SEPTIMA.

BIOSACCHAR.

I.



Accharum violaceum seu violatum bilis feruorem mitigat, sitim extinguit, aluum lenit: thoracis vitijs calidis, faucium & gutturis asperitati ac siccitatí auxiliatur: fit hoc modo. Florum violarum nigrarum recentium, cauda pediculoꝝ & viridi, ceu caliculo, purgatarum, in mortario lapideo tritarum, duplo saccharo miscentur, & vase vitro aut vitrato reponuntur. Mesuræ filius & triplum sacchari miscet.

ANNOTATIONES.

a) Saccharis.) Ita cum recentioribus Græcis, & iunioribus medicis appellare placuit. *Sacchara.*  
Quanquam iij Conseruas etiam vocent, flores saccharo conditos.

b) Iosacchar.) Saccharum violaceum sonat. Rectius viola saccharata. *Iosacchar.*

c) Triplum.) Quæ ratio condiendi non probatur, quod minima Sacchari mole violarum facultas obruatur. Hodie flores minutum inciduntur, & singulis libris florum, sacchari librae duæ permiscetur: nisi flores fucciores fuerint, tum enim singulis libris florum, Sacchari albissimi librae duæ, & dimidia adiiciuntur.

SACCHARVM ROSACEVM ROSATVMVE.

II.

Ventriculum & cor, reliquaq; viscera refrigerat, firmat, repentesq; in arcem cerebrivapores reprimit. Tabidis, & sanguinem reiuentibus vetus plurimum confert. Fit verò sic. Foliorum rosarum rubrarum nondum perfectarum, recentium, exunguatorum, tritorum in mortario lapideo, libra una duplo saccharo permiscetur: & in vase vitro, aut vitrato, non tamen omnino repleto, vt feruenti sit locus, nec foras exiliat, reciduntur. Hodie, vt diximus, minutum tantum inciduntur rosarum folia, & in umbra prius, vt eorundem excrementosa humiditas resoluatur, a nonnullis exiccantur.

SACCHARVM BVGLOSSATVM.

III.

Cor ipsum roborat, eiusq; tremorem, & syncopen sanat, manicos & melancholicos iuuat. Fit, vt violaceum, nempe floribus pediculo purgatis, in pilatritis, addito saccharo duplo.

ANNOTATIO.

X iiij a *Saccha.*

## LEONHARTI FVCHSII

*a* Saccharum buglossatum non est, nisi Borraginis saccharum. Siquidem veterum Buglossum non est, nisi Borago recentioribus vocata herba, ut alibi fuius monstrauimus.

SACCHARVM *N Y M P H E A E .**III.*

**V**Ehementioribus febribus subuenit, & doloribus quos bilis creat. Capitis ardores feruores & sopit, ac somnum accersit. Fit, ut violaceum.

*ANNOTATIO.*

*a Nymphae.*) Nenufaris, hodie facientes medicinam & pharmacopœi nominant.

## SACCHARVM CICHORII.

*V.*

**V**Alet aduersus iecoris calorem, & viscerum obstructions. Fit, ut prædicta.

SACCHARVM *O X A L I D I S .**VI.*

**C**Ontraventriculi & iecoris calorem auxilio est. Fit, ut præcedentia.

## SACCHARVM PRVNELLAE.

*VII.*

**I**Repentes in cerebrū vapores calidos reprimit, & ad omnia oris gutturis & vitiavtile est. Fit, ut priora.

SACCHARVM *b ECHII.**VIII.*

**C**ommorsis à serpente auxiliatur, & præsumentes percuti non patitur. Lumborum dolores sedat. Fit, ut prædicta.

*ANNOTATIO.*

*b Echij.*) Buglossum recentiores vocant, quemadmodum alibi ostendimus.

## SACCHARVM ROSMARINI.

*IX.**Anthos.*

**A**nthos, hodie facientes medicinam vocant. Cerebrum refrigeratum ac humectum firmat, itemque omnes corporis partes neruofas. Flatus denique dissipat. Fitalijs similiter.

## SACCHARVM LAVENDVLAE.

*X.*

**A**Duersus morbum comitialem, apoplexiā, & id genus alia frigida cerebri & neruorum vicia valet. Fit, ut ea quæ præcedunt.

## SACCHARVM SALVIAE.

*XI.*

**V**Terum firmat, & alia quæ saccharum præcedens potest. Fit, ut priora.

## SACCHARVM BETONICAE.

*XII.*

**F**Rigidis capitis malis confert, ventriculum & uterum purgat, calculosis reñibus auxilio est, conceptionemque iuuat. Fit, instar aliorum.

## SACCHARVM PAEONIAE.

*XIII.*

**C**omitiali morbo aduersatur, & ea quæ præcedens efficere potest. Fit, ut alia.

## SACCHARVM MAIORANAЕ.

*XIV.*

**S**corpionum ictibus aduersatur. Menses euocat. Vrinæ difficultati, & hydropticis succurrit. Fitaliorum modo.

*c Melissæ.*SACCHARVM *MELISSOPHYLLI.**XV.*

Eadem,

**E**adem, quod præcedens efficit. Præterea articulorum dolores mitigat. Fit, ut priora. Hæc saccharata medicamenta commemorasse, satis sit, nam magna ex parte omnibus in officinis parata habentur. Sunt tamen, qui pluribus alijs vtuntur. ut est:

- 16 Scabiosæ
- 17 Sambuci
- 18 Menthæ
- 19 Fumariæ
- 20 Eufrasiæ
- 21 \* Verbasculi
- 22 Tiliæ florum
- 23 \* Ephemeræ non lethalis
- 24 Cardui benedicti
- 25 Persicæ floribus, bilem & aquam educit
- 26 Genistæ floribus, ad renum & lienis obstructions

Conficiuntur autem omnia, instar eorum quæ ante a dicta sunt: eas q̄p habent, quæ herbæ quæ saccharo condīuntur, facultates. Ad condita igitur transcurrenter erit.

## Saccharum.

\* Primula  
veris.  
\* Lily com-  
muni.

## DE CONDITIS.



Ondiuntur hodie magna ex parte radices, cortices, & fructus *Conditum*, etus quarundam stirpium, & arborum. Condiendi verò vocabulum recentioribus medicis in angustum sic est coactum, ut *Conditi* appellatione ea solum veniant, quæ melle aut saccharo, ut vocant, clarificato excepta conseruantur, ac condīuntur. Sunt verò vñtata hodie condita, quæ sequuntur.

## ZINGIBER CONDITVM.

**I**n temperiem ventriculi frigidam & humidiam sanat, & ab ea tardam ac deprauatam concoctionem, quæ cibos in acidam cruditatē corrumpit. Viscerum lubricitatem corrigit, flatus dissipat, alimenti in fecur & vniuersum corpus distributionem accelerat. Senibus, aut natura, aut ex morbo frigidis, & hyeme vtile. Fit hoc modo. Zingiberis recentis, si haberi potest, aut saltem arte humectati, pars vna, cum Sacchari partibus tribus coquitur. Sunt qui zingiber humectatum cum mellis partibus tribus, & sacchari parte vna coquunt: alij verò cum saccharo clarificato triplo condīunt. Humectandum autem zingiber album, purum, recens, aqua frigida affusa, quæ biduo maceratur.

## ANNOTATIO.

a) *Aqua frigida affusa.*) Hac ratione non solum radices, sed & fructus sicciores recentibus similes redduntur. Biduo enim sine etiam coctione, in aqua frigida macerata hæc omnia intumescunt. Atq̄ hic se prodit error eorum qui aridas radices Zingiberis longo tempore, nunc cum acerrimo lixiuio, calce, queruōne cinere: nunc muria macerant humectantq; donec mollescant. Siquidem hac ratione magnā acrimoniam, & calorem illis conciliant, ut parum tutus sit illarum subinde usus nisi in ijs, qui frigido admodum ventriculo sunt prædicti. Sunt qui zingiberis & aliarum radicum libram vnam coquunt in aqua, donec tenerescant, dein tritas per cibrum setaceum traiiciunt, & denuo cum sacchari libris tribus ad mellis consistentiam coquunt. Porro Zingiber viride hodie dicitur, quod recens conditum saccharo, ex alieno orbe ad nos afferatur.

## #ACORVS CONDITVS.

IL

Y iiiij Cere-

ORVM

**C**erebrum & neruos roborat, malisq; eorundem frigidis auxilio est. Conditur autem, radicibus prius in frusta dissectis: ut zingiber humectatus, cumq; Saccharo triplo coctus.

*Acorus.**ANNOTATIO.*

a Acorus.) Indicus, Galanga maior dictus, sumendus: non nostras palustris. Hic enim ad nerorum & cerebri frigidos affectus planè inutilis est. Quocirca usus eius in iam dictis malis commandus est, atq; abiciendus, neq; post hac eius usu egri perdendi, ac in sumptus non necessarios conijciendi, vt libro quoq; primo monuimus: ut non sit necesse, ea de re hoc in loco verbosiore esse. Calamus aromaticus officinarum, eodem quo Acorus modo condiri debet.

**PIMPINELLA CONDITA.***III.*

**C**alculos renibus auxiliatur, mulieres à partu purgat, regio morbo labrantibus succurrit, & à pestilentiae contagione incolumes atq; immunes seruat. Fit, ut zingiber conditum.

Condiuntur & aliae quædam radices, quas nominatim tantum recensuisse satis erit.

5 Calamus Mæoticus conditus.

6 Galanga maior condita.

7 Helenium conditum. Helenij autem conditum nonnulli ita parant. Radix probè purgata, & in frusta vel taleolas dissecta, in aqua donec mollescat coquitur. Cocta subinde tunditur, & per colū trajectur, vniq; parti radicis, mellis despumati, aut sacchari clarificati, partes duæ miscentur. Stomacho confert, obstructa referat, pestilentia resistit.

8 Sisarum satium, loco Secacul, quod hodie incognitum est conditur, quod eius radices stomacho utiles sint, vrinam & venerem ciet, flatus ventriculi dissipent, conualecentibus conducant, eademq; quæ Secacul præstant. Radices eius à cortice cinerito & neruo interno purgatæ, in frusta secantur pollicem equantia, intus, vnde neruus extractus uno caryophyllo humectato, & particula zingiberis itidem humectati farta. Deinde coquuntur ut tenescant, & cum saccharo & melle, aut triplo saccharo solo, ut cæteræ, condiuntur.

Quæ sanè omnia condita eam facultatem obtinent, quæ radicibus illis à probatis autoribus tribuuntur.

**CITRIA CONDITA.***IV.*

**C**or & ventriculum firmant, concoctionem iuuant, orisq; halitum commendant. Condiuntur hoc modo. Poma citria frustatim sesta, saccharo clarificato conduntur. Ioannes Damascenus aliam habet conditrationem, quam sanè, qui eavtivolent, in Sectione de conditis apud eundem inuenient. Condiuntur etiam cortices Citri ad eum modum. Hi carne purgati lixitio clare merguntur diebus nouem, mutato ad diem quintum: post merguntur aqua clara, donec amaritudine deposita dulcescant. Tunc aqua fontis plurima in vasamento coquuntur donec tenescant. Aquosa dein substantia ab his expressa, in vase lapideo merguntur horis 24. Iulebo sufficienti ex saccharo albo & aqua tripla constante, post coquuntur ignelento ad penidiorum consistentiam. Extracti ex hoc Iulebo cortices, vase vitro reponunt, superfuso singulis vicissim Iulebo rosato ad mediocrem ceu sacchari candefacti crassiciem cocto.

**MYROBALANI CEP VLI CONDITI.***V.*

**V**entriculum firmant, appetitiam iuuant, concoctionem promouent, rationalem animæ partem vegetam reddunt, & sensificam. Quapropter visum quoq; acuunt, & usi crebro iuuentutem & vniuersi corporis vires tueruntur. Condiuntur integræ, industria idonea prius humectati,

MYRO-

## MYROBALANI EMPELITICI CONDITI.

VI.

**V**entriculum roborant, nimiamq; eius humiditatem corrigunt, mentis aciem exacuant, sitimq; prestringunt. Condiuntur, ut priores.

## CYDONIA CONDITA.

VII.

**A**lui fluorem vomitumq; sistunt, ventriculum roborant: ob id & concoctionem iuuant, appetentiam inuitant: iecur & cor, corpusq; vniuersum refrigerant. Hæc intus à seminibus & foris à cortice purgata, quadripartito diuisa, saccharo clarificato condiuntur. Aliqui ita diuisa ex aqua coquunt, donec tenerascunt, dein saccharo condunt.

Hactenus magis visitata recensuimus condita fructum. Sunt autem complures alij fructus qui tam recentes quam siccæ condiri consueuerunt: ut sunt qui sequuntur.

8 Aurantia, seu, ut vulgus nominat, arantia integræ, & horum cortices.

9 Limones

10 Nuces moschatae

11 Iuglandes

Myrobalani. { 12 Bellericæ  
13 Cepulæ  
14 Emblicæ. Purgant minus, nutritioni autem inseruientes partes magis roborant, concoctionem promouent, cerebri actiones omnes vegetant, visumq; clariorem reddere creduntur, obstructionsq; tollunt. Datur vna singulis diebus. Cerebrum, neruos, cor, hepar, ventriculum, & partes laxas constringendo roborant, & intemperiem humidam corrigunt. Tremori cordis conferunt, appetentiam inuitant, vomitum sistunt.

15 Mespila

16 Pira

17 Poma

18 Pruna sylvestria

19 Cerasa

20 Baccæ ripes.

Condiuntur autem ijs fructus aut saccharo, aut melle, aut ambobus. Conditi autem melle, magis calent, & tergent, minusq; ventriculo iucundi sunt: cum Saccharo contraria. Condiuntur verò interdum integri & cum seminibus, interdum seminibus purgati. Fructus siccæ recentibus similes redduntur, velut pruna, & vuæ passæ, si modicè compunctæ in aqua frigida macerentur. Sic enim statim timent, & pleniores redduntur.

## DIA CYDONIVM SIMPLEX.

XX.

**V**entriculum, iecur, & cetera viscera roborat, appetentiam excitat, concoctionem iuuat, vomitum & lienteriam sedat, ac alii fluorem cohivet. Ad vomitum autem compescendū post, ad fluorem verò alii supprimendum ante cibum datur. Recipit carnium cydoniorum, vapore aquæ calidæ dulcis coctorū ad spissitudinem usq;: Sacchari albissimi despumati, & ad iustam consistētiā, & massā adhuc feruens super tabulam extendit, & refrigerata in partes dissecatur. Quidam octo libris carnium cydoniorum, libras sex clarificati sacchari adjiciunt. Nonnulli in eum modum parant. Accipiunt cydoniorum decorticatorum, & à nucleis repurgatorum, lib. octo. Sacchari clarificati, lib. quatuor.

Coquuntur.

Coquuntur cydonia per vaporem aquæ dulcis, dein vna cum saccharo ad iustam consistentiam coquuntur.

## DIA CYDONIVM COMPOSITVM.

Nicolai Praepositi.

XXI.

**A**d frigidam ventriculi intemperiem facit, appetentiam languentem excitat, ventriculum & iecur roborat, concoctionem & retentionem iuuat: flatus dissoluit, foetorem corporis remouet, & bonum odorem, pristinumque eiusdem colorem restituit. Habet carnium cydoniorum in aqua coctorum, lib. tres. Mellis despumati, lib. quatuor, & dimidiam. Coquantur simul igne lento, ad iustam consistentiam: & postquam ab igne deponuntur, priusquam refrigerentur, inspergantur subsequentes species in puluerem tenuissimum triti: nempe cinamomi, vnc. vna, & dimidia. Zingiberis, vnc. vna. Galangæ, piperis, an vnc. dimidia. Caryophyllorum, nucis moschatæ, an drach. tres. Spicæ, lignialoes, macis, cardamomi, an drach. duæ. Zedoariæ, drach. vna. Extendatur tota massa in tabula marmorea, prius stillatio rosarum liquore, in quo aliquid moschi solutum est, illita. Refrigerata cultello frustatim secentur. Quod si purgatorium efficere volueris, priusquam in marmore tabula extendatur, in singulas libras injicito scammoniae probè tritæ, vnciam dimidiæ. Subacta, in vasculum recondantur.

## DIA CYDONIVM COMPOSITVM.

Nicolai Myrepisci.

XXII.

**O**mnia potest, quæ præcedens. Capit carnis cydoniorum emundatorū, lib. tres, & dimidiæ. Zingiberis, mastiches, an drach. duas. Cardamomi magni & parui, cinamomi, croci, an vnc. dimidiæ. Caryophylli, drach. tres. Moschi, drach. dimidiæ. Ligni aloes crudi, galliæ moschatæ, an drach. vnam. Maceris, drach. vnam, & dimidiæ. Spicæ, nucis moschatæ, an drach. dimidiæ. Mellis optimi, lib. sex. Aut sacchari, quantum sufficit.

## DIA CYDONIVM, E SVCCO CYDONIORVM.

Incerti autoris.

XXIII.

**I**dem potest, quod præcedens. Accipit succi cydoniorum despumati, lib. duodecim. Mellis optimi despumati. Sacchari albissimi clarificati, an lib. duas. Coquantur simul ad iustam consistentiam, dein ab igne remotis, & adhuc tepentibus inspergantur subsequentium specierum pulueres minutissime triti, & per cribrum excusi: nempe cinamomi, nucis moschatæ, an vnc. quatuor. Caryophyllorum, zingiberis, galangæ, an vnc. duæ. Radicularum nardi celticæ, piperis nigri, lignialoes, macis, zedoariæ, cubebarum, cardamomi, an vnc. vna. Subacta omnia, simulque mixta in vas recondantur.

## DIA CYDONIVM, E SVCCO CYDONIORVM.

Galenii.

XXIV.

**A**d excitandam appetentiam, ijs quibus ea languet, tum ad concoctionem ciborum vtile est, ventriculoque probur conciliat. Recipit succi malorum cydoniorum struthiorum, <sup>a</sup> sextarios Romanos duos. Mellis optimi tantundem: aceti sextarium vnum, & semissim. Coctis super prunas modice, & spuma detracta, immittuntur zingiberis, vnc. tres. Piperis albi, vnciæ duæ. Dein rursus simili igni recoquuntur, donec mellis crassitudinem consequantur.

ANNO.

a Struthiorū.) Struthia cydonia sunt ea, quæ dulciora & maiora sunt, minusq; acerba. *Struthia*.  
 b Sextarios Romanos duos.) Hoc est, vncias quadraginta mensurales. Nam sextarius Ro *Sextarius*  
 manus capit libram vnam & dimidiā, & sextam eius partem: id est, vncias mensurales *Romanus*,  
 Viginti. Est etiam Atticus, qui vncias decem & octo habet, ut alibi fusius diximus. *Atticus*.

DE ECLEGMATIS,  
SECTIO OCTAVA.ECLEGMA SANVM ET EXPERTVM.  
Ioannis Damasceni.

## I.



Vssi, vocisq; asperitati, & raucedini, à frigiditate natę au-  
 xilio est: crassos in thorace & pulmone humores exte-  
 nut, & incidit. Habet cinamomi, hyssopi aridi, glycy-  
 rhizae, an vnc. dimidiā. Zizyphorum, myxorum, an  
 numero triginta. Vuarum passarum à nucleis purgatarū,  
 sicuum aridarum, palmularum pinguium, an vnc. duas.  
 Foenigraci, drach. quinq;. Adianti, manip. vnum. Semis-  
 num anisi, foeniculi, lini, iridis, calaminthæ, an drachmas  
 quatuor. Coquantur omnia in aqua purissimæ lib. quatuor, ad duarum libra-  
 rum consumptionem. Colatum cum penidiorū lib. duabus, coquatur ad mel-  
 lis crassitudinem. Postea adiiciatur, minutissimè incisorum & tritorum piñe-  
 rum nucum repurgatarum, drach. quinq;. Amygdalarum dulcium mundata-  
 rum, glycyrrhizæ, tragacanthæ, gummi Arabici, amyli, an drach. tres. Iridis,  
 drach. duæ. Misceantur subiganturq; omnia simul celerrimè, donec albescat  
 medicamentum.

## ANNOTATIO.

a Eclegmatis.) Eclegmata Latinis sunt linctus, medicamenta quæ linguntur ac lam- *Eclegmata*,  
 buntur verius, quam deuorantur. Arabibus Loch & Lohoch nominantur, ut libro tertio *Loch*,  
 fusius dicemus. Veteres arteriacas compositiones vocarunt. Coctura quidem quam Ele-  
 ctuario solido vel liquido parcior, ut consistētia ipsa dilutior sit: præcipue si pus crassum,  
 aut pituita lenta è pulmone educenda est.

## ECLEGMA E SCILLA.

Ioannis Damasceni.

## II.

C Rassos & lentos humores, quiq; in thorace difficulter concoquuntur, in-  
 cedit & extenuat: ideoq; asthmaticis & difficile spirantibus auxiliatur,  
 thoracisq; dolorem leuat. Capit succi scillæ, mellis despumati, an lib. vnam.  
 Coquuntur ad eclegmatis consistentiam.

## ANNOTATIO.

a Succi scillæ.) Is verò succus à nonnullis ita colligitur. Scillas crudas tres aut quatuor *Scillæ succis*,  
 in partes eburneo cultello secant, dein in pila marmorea vel lapidea terunt, cum pistillo è  
 ligno Guaiaco constructo: & dein succum, linteo raro eas immittentes, exprimunt.

## ECLEGMA E PINEIS.

Ioannis Damasceni.

## III.

D Iuturnę tussi, difficultati spiritus, & asthmatis succurrit. Humores in tho-  
 race crassos incidit & extenuat. Accipit nucū pinearum, drach. triginta.  
*Amygdæ*